

DREJTËSIA

DITARI MUJOR

HYN NË FUQI LIGJI NR. 77/2022 "PËR DISA SHTESA DHE NDRYSHIME NË LIGJIN NR. 133/2015 "PËR TRAJTIMIN E PRONËS DHE PËRFUNDIMIN E PROCESIT TË KOMPENSIMIT TË PRONAVE"



Me hyrjen në fuqi të ligjit nr. 77/2022 "Për disa shtesa dhe ndryshime në ligjin nr. 133/2015 "Për trajtimin e pronës dhe përfundimin e procesit të kompensimit të pronave", me datë 30.12.2022 dhe me miratimin e ndryshimeve në dy vendimet e Këshillit të Ministrave, përkatësisht VKM nr. 222/2016 dhe VKM nr. 223/2016, Agjencia e Trajtitit të Pronave nuk ka më asnjë pengesë ligjore për vijueshmërinë e procesit të njohjes dhe kthimit të pronës si dhe të kompensimit të saj. Me ndryshimet ligjore dhe nënligjore, të cilat erdhën në kuadër të rekomandimeve të dhëna nga Gjykata Evropiane për të Drejtat e Njeriut në vendimin "Beshiri kundër Shqipërisë", si dhe Vendimit nr. 4/2021 të Gjykatës Kushtetuese, Agjencia e Trajtitit të Pronave do të fillojë procedimin administrativ për ato dosje të patrajuara më parë me vendim si dhe nuk do të ketë më kufizim në kthimin fizik të pronës. Të gjithë ato subjekte të cilët i janë drejtuar Gjykatës së Shkallës së Parë për kërkesat e patrajuara për njohjen e pronës, kanë të drejtë të heqin dorë nga gjykimi i çështjes dhe të paraqesin kërkesë pranë Agjencisë së Trajtitit të Pronave për shqyrtimin e dosjes së tyre. Gjithashtu do të rihapet afati për të vlerësuar financiarisht, të gjitha ato vendime me të drejtë kompensimi të pavlerësuar më parë, nuk do të ketë më vlerësim financiar më pak se 10 për qind sipas zërit kadastral aktual si dhe do të indeksohet shuma e kompensimit deri në pagesën përfundimtare. Subjektet që i janë drejtuar Gjykatës Administrative të Shkallës së Parë Tiranë për të kërkuar vlerësimin financiar, kanë të drejtë të heqin dorë nga gjykimi i çështjes dhe të paraqesin kërkesë pranë Agjencisë së Trajtitit të Pronave.

[LEXO PËR MË SHUMË](#)

DREJTORIA E PËRGJITHSHME ANTIKORRUPSION PROPOZON 22 MASA ADMINISTRATIVE DHE JEP 22 REKOMANDIME PËR RASTE KONTROLLI DHE DYSHIME PËR KORRUPSION

Drejtorja e Monitorimit të Rrjetit të Koordinatorëve Antikorrupsion dhe Drejtorja Operacionale për Çështjet Antikorrupsion pranë Koordinatorit Kombëtar Kundër Korrupsionit në Ministrinë e Drejtësisë, kanë vijuar me marrjen e rasteve të dyshuara të korrupsionit. Përgjatë muajit maj, pranë dy strukturave të Drejtorisë së Përgjithshme Antikorrupsion janë marrë e administruar në total 29 ankesa dhe denoncime referuar aktivitetit të institucioneve të Rrjetit të Koordinatorëve kundër Korrupsionit, në të gjitha mënyrat e komunikimit (shkresor, email, platforma elektronike). Rastet i adresohen kryesisht Agjencisë Shtetërore të Kadastrës dhe drejtorive vendore të saj, Institutit të Sigurimeve Shoqërore, Operatorit të Shërbimeve të Kujdesit Shëndetësor, Autoritetit Kombëtar të Ushqimit, Agjencisë Kombëtare të Zonave të Mbrojtura, etj. Pas verifikimit të hollësishëm të ankesave, janë hartuar 6 raporte përfundimtare në lidhje me hetimet e kryera, në të cilat janë identifikuar elementë të veprimtarive të parregullta. Në vijim, janë propozuar 22 masa për fillimin e ecurisë disiplinore si dhe janë gjeneruar 22 rekomandime për të forcuar mekanizmat e kontrollit dhe parandalimit të korrupsionit. Drejtorja e Përgjithshme Antikorrupsion është e angazhuar për të ndërmarrë veprime të menjëhershme ndaj shkeljeve të dyshuara dhe për të promovuar integritetin dhe llogaridhënien në institucionet që operojnë në shërbim të qytetarëve.

[LEXO PËR MË SHUMË](#)

MINISTRI I DREJTËSISË FTON NË TRYEZË DISKUTIMI PËR MASAT ANTIKORRUPSION PËRFAQËSUESIT E DHOMAVE DHE SHOQATAVE TË BIZNESIT



Bashkëpunimi me biznesin për politika të vlefshme antikorrupsion dhe masa eficiente veprimi për të garantuar shërbime më të mira publike, mbledhi bashkë në një tryezë diskutimi Ministrin e Drejtësisë në ushtrim të rolit të tij të Koordinatorit Kombëtar Kundër Korrupsionit, z. Ulsi Manja, me drejtues e përfaqësues të dhomave dhe shoqatave të biznesit në vend. Tematika e takimit ishte bashkërendimi i masave për ndërhyrje dhe rritja e bashkëveprimit mes palëve. Ministri Manja paraqiti disa prej iniciativave kundër korrupsionit dhe raste të masave të marra nga Drejtorja e Përgjithshme Antikorrupsion ndaj nëpunësve drejtues dhe zbatues pranë autoriteteve ku është vendosur Rrjeti i Koordinatorëve Antikorrupsion. Në takim, pjesëmarrësit ndanë mendime dhe përvoja të vlefshme për të fuqizuar kapacitetet dhe ndërtuar ura të reja bashkëpunimi dhe me qëllim rritjen e besimit për vlerat dhe kapacitetet e profesionistëve kundër korrupsionit. Aktorët e sektorit privat kërkuar dhe propozuan pasjen e një roli më aktiv të Drejtorisë së Përgjithshme Antikorrupsion në parandalimin, ndëshkimin dhe ndërgjegjësimin e luftës kundër korrupsionit në administratën publike edhe në sektorin privat. Drejtorja e Përgjithshme Antikorrupsion është struktura teknike e organizuar në nivel ekzekutiv për të luftuar korrupsionin dhe promovuar integritetin në administratën publike. Palët mbështetën dhe ofruan bashkëpunim të rregullt në vijim.

[LEXO PËR MË SHUMË](#)

TAKIM NË KUADËR TË BASHKËPUNIMIT NDËRINSTITUCIONAL ME DHOMËN NDËRKOMBËTARE TË NDËRMJETËSVE



Negocimi, zgjidhja e konflikteve me marrëveshje, ndërhyrja që në fazat fillestare mund të parandalojë shumë krime që ndodhin mes të miturve për shkak të konflikteve të pazgjidhura. Për këtë arsye Qendra e Parandalimit të Krimeve të të Miturve dhe të Rinjve dhe Dhoma Kombëtare e Ndërmjetësve nënshkruan marrëveshjen mbi vendosjen e bashkëpunimit të kuadër të zgjidhjes të problematikave me anë të ndërmjetësimit lidhur me rastet e të miturve dhe të rinjve në kontakt/konflikt me ligjin.

[LEXO PËR MË SHUMË](#)



DISKUTIM I HAPUR MES DONATORËVE DHE PARTNERËVE STRATEGJIKË NË KUADËR TË PARANDALIMIT TË KRIMINALITETIT TË TË MITURIT DHE TË RINJTË

Me Agjencinë Austriake për Zhvillim, në një diskutim të hapur mes donatorëve dhe partnerëve strategjikë për zhvillimin e programeve të përbashkëta në kuadër të parandalimit të kriminalitetit të të miturit dhe të rinjtë si dhe rintegrimin pas demimit.

[LEXO PËR MË SHUMË](#)

SEMINAR 'MBI MEKANIZMIN E REFERIMIT TË ÇËSHTJEVE NË NDËRMJETËSIM'



Drejtorja e Ndhmës Juridike Falas, në bashkëpunim me Albania Foundation for Conflict Resolution, në kuadër të projektit 'Zgjerimi dhe Fuqizimi i Sistemit të Ndërmjetësimit në Shqipëri' organizoi dy seminare, të mbajtura në Tiranë dhe në Shkodër me temën 'Mbi mekanizmin e Referimit të Çështjeve në Ndërmjetësim'. Në këto seminare mori pjesë Kryetarja e Dhomës Kombëtare të Ndërmjetësve Zj. Drita Avdyli, punonjësit e Qendrave të Shërbimit të Ndhmës Juridike Paresore Tiranë, Durrës dhe Shkodër, përfaqësues të Organizatave Jofitimprurëse, studentë të Klinikave të ligjit, pranë IAL-ve, me të cilët Drejtorja e Ndhmës Juridike ka lidhur marrëveshje bashkëpunimi.

[LEXO PËR MË SHUMË](#)



DISKUTIME RRETH ARRITJEVE DHE SFIDAVE TË SISTEMIT TË DREJTËSISË

Në praninë e partnerëve ndërkombëtarë të cilët kanë bashkëshoqëruar jetësimin e Reformës në Drejtësi, institucioneve të pavarura të drejtësisë, shoqërisë civile, si dhe nën asistencën e çmuar të projektit JustAL, diskutuam gjetjet e Raportit të Monitorimit të zbatimit të Strategjisë Ndërsëktoriale të Drejtësisë dhe Planit të saj të Veprimit për vitin 2022. Në mbledhjen e Komitetit Drejtues Sektorial për reformën në Drejtësi, përqendruam diskutimet rreth arritjeve të sistemit të drejtësisë dhe sfidat me të cilat përballlet sistemi.

[LEXO PËR MË SHUMË](#)